



Claude WISELER  
President vun der  
Chamber vun den Deputéierten  
19, um Krautmaart  
L-1728 Lëtzebuerg

Lëtzebuerg, den 19/09/2025

**Här President,**

**Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un d'Ministesch fir Sozialversécherung weiderzeleeden.**

Aktuell ass et esou, dass am Kader vun Verhandlungen tëscht verschiddenen Acteuren aus dem Gesondheitsberäich nëmmen d'CNS eng Mediatoun ufroe kann, wann et zu Meenungsverschiddenheeten tëschent de soziale Partnere kënn.

Dëse System limitéiert awer d'Méiglechkeete vun aneren Acteuren am Sozialdialog, hir Positioun z'erklären an eng neutrale Léisung ze fannen, wann et zu Konflikter kënn. Am Fall wou d'CNS wéineg Interessi huet, fir op eng gemeinsam Léisung mat Partner ze kommen, kënnen si esou eng Mediatoun onnéideg laang erauszögeren.

An deem Zesammenhang wéilt ech der Ministesch dës Froe stellen:

1. Plangt d'Regierung eng Ännerung bei den aktuellen Dispositionen iwwer d'Mediatoun?
2. Ass et virgesinn, dass an Zukunft all Partie, déi um Sozialdialog deelhält, eng Mediatoun kann ufroen an net nëmmen d'CNS?
3. Wann eng solch Ännerung virgesinn ass, huet d'Ministesch schonn eng Virstellung fir wéini d'Ëmsetzung vun dëser Reform kéint envisagéiert ginn?
4. Wéi eng Mesurë géif d'Regierung huelen, fir ze garantéieren, dass all Acteur am Sozialdialog déi gläich Rechter huet, wat d'Mediatoun ugeet?

Mat déiwem Respekt,



piraten.lu



---

A handwritten signature in black ink, appearing to be "Sven Clement".

CLEMENT Sven  
Deputéierten

